



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.516/a



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL 1.6.516/a

DE FEBRIBVS,
ORATIO,

Habita in Archi-Lycæo Patavino,
die 4. Nov. 1677.

A CAROLO PATINO

DOCTORE MEDICO PARISIENSI,
MEDICINAM PRACTICAM INTERPRETANTE.



PATAVII, MDCLXXVII.

Typis Petri Mariæ Frambotti. Superiorum permissu.

Illustrissimo & Excellentissimo D.
D. LEONARDO
PISAVRO,
DIVI MARCI PROCURATORI,
ATQUE ACADEMIÆ PATAVINÆ MODERATORI,
CAROLVS PATINVS.



Bsit omen , Te in medicæ facultatis
societatem vocare ausus sum , Senator
Præstantissime : Non sanandis corpori-
bus , quod artificium infra fortunæ tuæ
magnitudinem jacet , sed studiorum
saluti , unde animis valetudo & fama
constat . Spem fecit rara felicitas , quâ non ita pridem
fovendis literis ac disciplinis , munere Divam , admotas
es , quæ in morbum implicita , ac prope veterno con-
flictata ægrè spiritum trahebant . Neque Te triste ar-
gumentum , & humanorum corporum populatrix Febris
absterreat : Tu illam solo aspectu , quo cuncta serenas,
fugare potes . Nos interim vota faciemus , ut Tu nun-
quam Medicorum ope indigeas , Medici à Te semper
expectent .

E musæo nostro Patavino , Eid. Nou. MDCLXXVII.

Illustrissimi Excellentissimique Domini, Sapientissimi
Professores, Auditores præstantissimi.



Quesies togata illius gentis, rerumque Domina, quæ Romam olim incolbat, religionem cogito, cogito autem sæpius, non possum non mirari immensam illam Deorum Dearumque turbam, quam non contenta satis magnam à Majoribus accepisse, cum ipsis imperij finibus subinde reddidit ampliorem: dum populorum deuotiorum numina, ne in libertatem pristinam seque & clientes suos asserere tentarent, Romam euocata atque translata, ibidem deuota mente coluerunt. Toleranda hæc essent in gentili superstitione, sed quis a quo satis animo ferat, quis sine summa indignatione cognoscat, Romanos terrarum dominos, & genti nulli, quæ sunt, quæque fuerunt, animi sagacitate, rerumque agendarum usu secundos, morborum pravorumque affectuum agmina, non secus ac hodie infestissimi quique mortalium cacodæmones solent, ne nocerent nempe, diuinis honoribus affecisse, ipsam aras dedicasse, templa statuisset? Hoc in numero fuerunt Pallor Pauor, Febris, Furia, Mors; Vana illa numina, quæ hoc anno Academici muneris, mihi à Sereniss. Republica demandati, erunt argumentum.

Et hoc quidem ita tractare animus est, non ut colendum aut detestandum quicquam eorum demonstrare laborem; quippe qui hanc curam Theologorum & Philosophorum contemplationibus omnino relinquendam censeo; sed ut qua ratione debellari, & de sede sua deturbari possint, ostendam: faciamque, quantum in me est, ut quot estis melioris notæ philiaſci, tot sitis ipso opere, horum cedæmonum ceu monstrorum acbellatores, totque herodes & Hercules ἀλκιμαχοί. Carmina votina, susurros magicos, talismannos, amuleta, impuras aut ineptas sanandi artes adaucere atque reuellere, supervacaneum puto: Monstrum horrendum, ingens, causis suis, signis, symptomatibusque stipatum, μετὰ τῶν ἀρχῶν καὶ τῶν περὶ τὸν αἶμα, ut loquitur Galenus, capere, auribus animisque vestris meditor, ut dextrè tandem fortiterque juguletis. Neque aliud Onidium voluisse mihi persuado, lib. 1. metam. quàm ut sub serpentis Pythonis fabula Febrim indicauerit, ab Apolline medico sagittis ceu remedijs confixam. Perdidit cithulo per vulnera nigra veneno, inquit ille Poetarum ingeniosissimus. Nonne incendium demonstratur extinctum, subtracto ignis alimento, ampla ut decet sanguinis emissionem.

A 2

Cc-

36

Ceterum, non contemnendum hostem vobis sum exhibiturus, sed eum qui male semper humanum genus afficiat, ac tandem opprimat; Nemo enim sine Febre moritur. Febrem praterea morborum omnium esse nequissimum, & frequentissimum, continua docet experientia; quod utrumque praterea fasè declarat Corn. Celsus, lib. 3. cap. 3. adeo ut nullum gravem morbum censeant Medici, qui Febre careat vel cum ea non copuletur. Quin & aliquos Febre perpetua contabuisse fama est, quemadmodum accidit celeberrimo illi Augusti Imperatoris amico Cajo Mæcenati, cuius immortalis glorie tributum est, ut litterarum patroni, quorum numerus in dies ferè decrevit, nomen à nomine ejus sortirentur, quemquidem continuò febricitasse narrat Plinius. Antipater Sidonius poeta, omnibus annis, uno die tantum natali, corripiebatur Febre, & illo etiam, extrema licet senectæ, absumptus est. Quod praterea multorum brutorum exemplo confirmatur, quæ ob immensum ardorem semper febricitare existimantur: Sic est naturaliter constitutus leo, à quo apud Græcos emanavit proverbium, ἐγέλαιον ὁ λέων, leo risit, quoties scilicet rarum aliquod hilaritatis exemplum intuemur. Lucretio hac de causa, Febris triste leonum seminium appellatur. Capra itidem, ob continuos salus semper febricitare creditur, quare illà ab Ægyptijs, teste Pierio, in sacris eorum litteris, quæ hieroglyphica dictæ sunt, Febris loco depicta est. Quadam è contrario nunquam Febrem percipere scribit idem Plinius, ob maximam perpetuamque cordis temperiem, ne dicam frigiditatem, quæ in timidis præcipue animalibus animadvertitur, cujus generis sunt cervi, lepores, & similia.

Febrem porro nuncupat Hippocrates πυρετὸν & πυρεσίαν, scilicet ἀπὸ τῆς πυρὸς à calore illo igneo natura nostra insensissimo, Febris assiduo comiti: Cum enim humido vita consistat, eoque leniter calido, planè destruitur ab incendio febrili. Patet id vulgatissima Febris definitione; Calor est accensus præter naturam, è corde per arterias in totum corpus effusus, actiones ledens. Patet & maximè pathognomonicis ipsius Febris signis: Eam quippe assiduè comitantur virium languor & imbecillitas, cum spontanea corporis gravitate aut dissolutione: calor, aut foris acer & pungens, aut intus certè molestus, qui & nonnunquam fervido halitu prorumpit è naribus; pulsus dein celer evadit, frequens, interdum etiam inæqualis, qui solius cordis calidioris est proprius.

Hac fortè occasionem dedere Alex. Aphrodisæo proponendi problema LXXIX. Cur Æthiopes, magna ex parte cum febricitant intereunt?

Quo-

37

Quoniam, inquit, calidi sunt & sicci: Fit enim per Febrem ut omnis elementorum destruat constantia: quandoquidem humor qui in eis existit exiguus, promptè absumitur: calorem enim deleri per alimenti inopiam necesse est: quod mutatis tantum nominibus, nomen indicat.

Hinc celebris orta est questio, an Febris solvat morbos frigidos? Cujus affirmantem tuentes partem, divinum nostrum senem autorem proferunt, aphor. 57. sect. 4. hac docentem: A convulsione aut distentione nervorum vexato, febris accedens morbum solvit: Ὡς πρὸ σπασμῶν ἢ τετάνων ἐνοχλημένων, πυρετὸς ἀπαρνούμενος λύει τὸ νόσημα. Et Aph. 5. sect. 5. Si quis ebrius repente obmutescat convulsus, moritur, nisi Febris exoriat, &c. Et, Quartana epilepsiam sanat. Tum in coacis prænotionibus: Σπασμῶν λυτικὸν πυρετὸς ἀπαρνούμενος &c. Convulsionem sanat exorta Febris. Proferunt ultro Platonem, in Timæo, afferentem calore febrili affectus frigidos sanari. Quibus quidem auctoritatibus, facete respondentem audiui, eas majoris non esse roboris, ac si quis hoc argumento steretur, domorum incendium plurimum valere ad opprimendos forices. Febris quippe totis viribus natura nostra aduersatur, quod olim de pure atque dolore post classicos auctores animadvertimus, quippe quâ, & frigida & temperata corpora aqualiter corrumpunt: Nisi illis eandem gratiam facere malimus, quam Polyphemum Ulyssi promississe fingit princeps poetarum Homerus, inque horum prius quàm illorum jugulum, ferrum stringendum existimemus.

Ut tamen tantorum virorum auctoritati satisfiat, non negabimus frigido morbo correptis plus inesse qualitatis passivæ quæ febrilis inflammationis impetui diutius resistat, quæque, ut omne agens agendo repetitur, a Febre imminuta, aliquam cum natura laborante gratiam inire videatur. Id quidem mirè explicat Galenus, in commun. aphor. 44. Ἰσμεν ἐκείνα μόνον τῶν νοσημάτων ὀνύμαρμένα πρὸς τῶν πυρετῶν, ὅσα κατὰ φύσιν συνέσκη πότε μὲν οὐτὼ μόνῳ. Ἐνίστε δὲ ἅμα χυμοῖς καὶ φλεγματώδεσιν, ἢ φυσώδει πνεύματι. Scimus, inquit, illos duntaxat morbos juvari à Febris acutis, qui à frigore enati sunt, vel simplici vel cum humoris affluxu conjuncto crudi & pituitosi, nonnunquam à solo spiritu flatulento. Eam porro adhibet conditionem ut morbo superveniat, nec cum ipso coorta sit.

Mihi certè si quislibet frigidus morbus curandus obvenisset, satius esset aliunde remedia quarere, quàm ab hoste tam sauo sanari. Imitemur hic prudentissimum institutum Serenissima Republica Veneta,

do,

38

domina nostra, (ut exemplo non absimili causam nostram illustremus) qua cum superiori saculo, ab innumeris hostibus graviter esset oppressa, maluit cujuscunque alterius generis auxilia experiri, seu debiliora, seu tardiora, quam à feroci Turca, sponte potentissimas offerente suppetias liberari. Neque enim quodlibet remedium, remedium est; quin interdum à prudente medico, pejus morbo censeri debet; ut in hoc casu Febris, qua sanatum corpus depopulando priore, majorem excitaret calamitatem.

Si tamen ulterius instarent infelicitis hujusce febrilis numinis Febris inquam; idolatra, atque id omnino prodesse nonnunquam & auxiliari predicarent; illos ad artium magistros ablegarem, ut saniori menti restituerentur. Sensum qui negat, inquit Aristoteles, l. 1. Topic. c. 9. sensuum poena dignus est. Audiatis Avicennam nostrum, in metaphysicis: Torreantur qui negant ignem esse calidum. Idem sentit Scotus, 1. sentent. distinct. 39. Tormentis exponantur qui contingentiam liberumque arbitrium affirmare non audent, data iis potestate dolores declinandi, cum facti fuerint se eos declinare potuisse. Sic Febre per me corripitur, qui impium Numen adorans, aliquando propitium esse pertinaciter asseruerit. Et ut sermone sacro utar, Deuter. c. 28. Percutiat illum Dominus Febre & frigore, ardore & aestu, donec pereat, vel ad meliorem mentem revertatur.

Absit & procul absit, ut Vos inter illos numerem, Præstantissimi Studiosi, cum vestrum plerosque noverim purioris scientia avidos, fallacium aegmatum osiores atque contemptores. Calorem nativum, ut summum sanitatis thesaurum spectemus, quo nihil melius, nihil utilius nobis concessit natura, quippe cum sit omnium functionum radix & principium. Febrem è contrario attentè consideremus, furore suo seu Furijs omnia turbantem & opprimentem: Hæc enim propria cordis est passio, το τῆς καρδίας πάσις, inquit Aristoteles, l. 1. poster. c. 64. ut calor nativus ejusdem robur constituit, docente Galeno, de decret. Hipp. & Plat. l. 6. c. 1. quod ita Avicenna noster declarasse videtur in Cantic. p. 1. tr. 3. Cum cor incedit rectè in pullatione sua, tunc ejus dispositio est pacifica & tranquilla. Lepida utriusque officij allegorica comparatio facta est cum cane & lupo: Et canis in silvis nutritur & omnia servat, Et lupo in silvis nutritur & omnia vastat. Divinam enim illam Promethei facem quis negaverit sartam tectamque corporis nostri œconomiam, zveri, Febre eandem prorsus labefactante & destruyente. Absit, inquam

quam, nisi qualibet optima de Vobis sperare, qui ab extremis orbis partibus ad has oras appellitis, secretiora medicina mysteria, iuvantiumque numinum beneficia in vestras regiones reperiaturi, & ἀνὰ πύλας αἰώνων fraudes aeternum estis detestaturi.

Vos imprimis interpello, inclita Germaniae Filij, gaar menner, alle menner, gentem quam virtus amicis charos, hostibus terribiles effecit. Militaris quidem id obtinuit, ut potius triumphati sint vestri majores, quam victi, freudentibus tot orbis Romani Imperatoribus. Nec minùs dilectam esse Musis Germaniam vestram innuunt, tot ejus superba collegia, tot clari Professores, tot bene animati studiosi, quorum ipse per decennium testis fui oculatus. Patavina haec Academia exultat numerosa tanta gentis frequentia, vosque veluti totidem rutilantes in hoc litterarum calo stellas suspicit. Neque est, quod ad hodierni laboris gloriam vos excitem, cum ipsos proprio Marte vadimonium hoc alacriter suscepturos confidam, juxta vetus illud Taciti encomium, plus in Germania valere bonos mores, quam alibi bonas leges.

Gracis verò num deesse unquam poterunt rei benè gerundae incitamenta? Nulla praefecto natio est, qua tot Heroas numerare valeat. Quis praestantior fuit Homero, felicitior ac generosior Alexandro, eloquentior Demosthene, fortior Hercule, doctior Hippocrate nostro, sapientior Socrate? at illi omnes Gracii fuerunt. Gracis ingenium Gracis dedit ore rotundo Mula loqui, inquit Horatius. Sed quid moror: tot sapientia atque firmitudinis exempla omnibus gentibus dedit Gracia, ut quae ceteros orbis incolae tanquam barbaros, ἀνέκτους καὶ ἀδυσκίτους spectabat, sola Deorum patria & bonarum disciplinarum parens, vulgò meritisque audiat.

Quid vos omnes numerem, Poloni fortes, Bohemi sagaces, Hungari bellicosi, Angli prudentes, fideles ac Catholici Hispani, invictique Galli, vosque quos ingeniosissimos genuit omnium orbis regionum nobilissima & amenissima Italia. Χρὴ πάλαι ἀνδρώπῳ ἐν γένει σέβειν ἐπιστάδῳ, inquit Democritus, in epistola ad Hippocratem. Oportet omnes homines medicinam scire: sed vos quanto magis illi addiscenda operam prestare tenemini. Vos itaque omnes conhortor horior, Nobilissimi Studiosi, ut hisce nostris Februm explicationibus; strenuè diligenterque incumbatis, illasque tum publicis tum privatis exercitationibus recolatis.

Nolite perterriti argumenti difficultate, scitis quippe Deos laboribus omnia vendere solitos, multosque discipulos hac arte praestantiores fuisse

40

fuisse magistris, juxta Ciceronianum illud, in epist. l. 6. πολλοὶ μαθηταὶ ἀρίστους διδασκάλων. Sudores vestros, quos aeterna consequetur gloria, quibuslibet vita oblectamenti anteponere non dubitetis; qui enim in virtutis & eruditionis campo seminant, de virtute atque eruditione metent. Perpendatis Februm cognitione, nihil nobis futurum utilius: Ceteros quippe morbos, seu ἀπορίτες, ita negligunt plurimi ut vix medicum accersant, eosdem curandos incaute committentes Chirurgis, Chymistis, circunforaneis agyrtis, τοῖς περιδοῦταις καὶ Ψευδο-ιατροῖς, interdum etiam mulierculis; uno verbo ineptissimis hominibus, leuissima fallacissimaque innixis experientia. Solam Febrem, medico, ut vocant, physico, sanandam tradunt, & grauitate symptomatum agrotantes opprimentem, & sanctissima artis nostrae imposturis minimè cedentem. Ego verò tenuitatis meae immemor nunquam futurus, neque labori parcam neque diligentia, quibus Serenissima Reipublica gloriam, celeberrimi hujus Lycei decus, vestraque commoda possim promouere, & de Vobis omnibus bene mereri.

Proxima die, ad hostis nostrae castra properabimus, & qualis sit Febris, Deo volente, explorabimus.

DIXI,

005644149